

ጳጳሮሲ ፃፊዳ ኮይሮ ኪታ ጌሉዋ

ዩሱሲ ኪቴዳ ጳጳሮሲ ፃፊዳ ኮይሮ ኪታይ ፃፊቴዳዌ፡ ሄ ኪታ ጊደን «ደሪቴዳ ፆሳ አሳቱዋ» ጌቴቴዳ ጃሴቴያኔ ቄሪ ኢሲያን ሁጺሳ ባጋ ሻኩዋን ላሌቴዳ አማኒያዋንቴሳ። ሃ ኪታ ዋና ቆፋይ፡ አማኑዋ ጋሱዋን ሜቴኔ ዋዪ ጋኬዳዋንታ ሚኒሳናሳኔ ሜንጮላናሳ። ፃፊ ሃዋ ኦሲያዊ አ ሃይቁዋ፡ አ ዴንዲዋ፡ አ ላዔንሶ ዩሳ ኦዲያ ዩሱሲ ኪሪሰቶሳ ሚሺራቹዋ ቃላ ናባቢያዋንታ ሃሳዪሲያዋና። ኡንቴንቴ ዩሱሲ ኪሪሰቶሳ ዴዑዋ ሌሚሱዋዳን አኪዴ፡ ሜቱዋ ጌንጨዴ አጳናዳን ሃሳዪሴ። ሃዋና ኢቲፔ ጋሲያ ዎዴ፡ ሜቱ ኡንቴንቴ አማኑዋ ፃልታቴላ ፓጨያዋኔ ዩሱሲ ኪሪሰቶሲ ቆንጨያ ጋላሲ ኡንቴንቴ ቤሲያ ጋቲያ አካናው ዴዒያዋ ኡንቴንታ ሃሳዪሴ። ፃፊ፡ ኡንቴንቴ ሜቱዋን ጌንጨና ማላ ሜንጮሲያዋ ቦላካ፡ ኪሪሰቶሳ ካሊያዋንቴ ዴዒያዋዳን ኡንቴንቴ ዴዒናዳን ቆፊሴ።

ሺምፓቱዋ ኡባቱዋሲ አሜቴዳ ቃንሳ ቆፋቱዋ

- ጌሉዋ (1:1-2)
- ፆሳ አሹዋባ (1:3-12)
- ጌዩዳ ዴዑዋ ዴዒናዳን አሜቴዳ ማቁዋ (1:13-2:10)
- ሜቱዋ ዎዴ አማኒያ አሳይ ኦላና ቤሲያ አዎቴላ (2:11-4:19)
- አማኒያ አሳ አሺኬቴላኔ ኦሱዋ (5:1-11)
- ወርሴላ ቁቲያ (5:12-14)

1 ታኒ፡ ዩሱሲ ኪሪሰቶሲ ኪቴዳ ጳጳሮሲ፡ ፆሳይ ደሬዳ አሳቶ ጳንፆሳ ጋዲያን፡ ጋላቲያ ጋዲያን፡ ቃጳደቁያ ጋዲያን፡ ኢሲያ ጋዲያኒኔ ቢታኒያ ጋዲያን ቤቲያን ዴዒያዋንቶ ዳቢዳቢያ ፃፋይ።
2 ዩሱሲ ኪሪሰቶሳው ሂንቴ አዛዜታና ማላኔ አ ሱላን ጌያና ማላ፡ ፆሳይ አዉ ደሬዳ ሂንቴንቶ ባሬ አያናን ጌሹዳዋንቶ፡ አጼ ከካቴላይኔ ሳሮቴላይ ጊደ።

ዴዑዋ አማና ጌዳ ሂደታ

3 ኑኒ ፆሳ፡ ኑ ጎዳ ዩሱሲ ኪሪሰቶሳ አዉዋ፡ ባሬ ማርቴላ ዳሩዋዳንካ ኑና ላዔሱዋ ዩሌዳዋ፡ ዩሱሲ ኪሪሰቶሳ ሃዪቁዋፔ ዴንጮዳዋን ኑሲ ዴዑዋ ሂደታ አሜዳዋ ጋላቲቶ። 4 ቃሲ ፆሳይ ሂንቴንቶ አማና ዳሮ ላታይ ዎቁናዌ፡ ባዩናዌኔ ጳዩናዌ ሳሉዋን

ናጌ። 5 ሄዌካ ሂንቴንቴሲ፣ ያሳ ዋልቃን ኣማኑዋን ናጌቴ ኡቴዳ፣ ኣቶቴላው ጊጌዳዋንቴሲ ዉርሴላ ዋዲያን ቆንጫናዋ።

6 ሃዒ ጉላ ዋዴው ሃራይ ኣቶ ዲማ ዲማ ፓጨያን ሂንቴ ፓጨታናው ኮሾፔካ፣ ሃዋን ዳሮ ናሼቴቴ። 7 ሄዌ ሃራይ ኣቶ፣ ታማን ዩጊና ጳዪያ ዋርቃፔካ ሂንቴ ኣማኑ ዳሮ ኣልዖኔ ባሊ ባዪናዋ ጊዲያዋ ቤሳናሳ፤ ያቴዳ ዩሱሲ ኪሪሰቶሲ ቤቴያ ዋዴ፣ ጋላታ፣ ቦንቹዋኔ ሳባ ሂንቴ ኣካና። 8-9 ሂንቴ ኣ ኤራና ጳዮፔካ፣ ሰቂታ፤ ሂንቴ ሃዒ ኣ ቤዓና ጳዮፔካ፣ ኣማኒታ። ቃሲ ሂንቴ ሂንቴ ኣማና ፖሎ ጊዲያ ሂንቴ ሸምቸዋ ኣቶቴላ ኣኪያ ዲራው፣ ኦዳናው ዳንዳዬቴና ቦንቹ ኩሜዳ ናሼቻ ናሼቴታ።

10 ያሳይ ሂንቴንቶ ኣማና ኣቶ ኬካቴላባው ቲምቢቴያ ኦዴዳ ናባቴ ሎይሊ ቢዲዳ፣ ሃ ኣቶቴላባ ኮዬዲኖ። 11 ኡንቴንቴን ዴዲያ ኪሪሰቶሳ ኣያናይ ኪሪሰቶሳ ቱጋባኔ ሄዋፔ ጉዩያን ያና ቦንቹዋባ ካሲቴዳ ማርካቴዳ፣ ኣዉዴ ዋይ ዋኔዳ ዋዲያን ያኔንቶኔ ኣኬኪሴዳዋዳን፣ ኡንቴንቴ ኮዬዲኖ። 12 ሄ ቲምቢቴያ ኦዲያዋንቴ ኦሌዳ ኦሱ ሂንቴሳፔ ኣቴን፣ ኡንቴንቴ ሁጲያሳ ጊዴናዋ ያሳይ ኡንቴንቶ ቆንጨሴዳ፤ ሃዒ ሂንቴ ሲሴዳ ሚሺራቹዋ ቃላ ሂንቴንቶ ኦዴዳ ኣሳቴ፣ ባሬው ሳሉዋፔ ኪቴቴዳ ጌሻ ኣያና ዋልቃን ኦዴዲኖ። ሄዋ ኪታንቻቴካ ቤዓናው ኣዋቴና።

ጌሻቴላን ዴዲያዋ

13 ሄዋ ዲራው፣ ኦሱዋ ኦላናው ሂንቴ ዋዛናን ቆፋ ጊጊሲዴ ሂንቴ ሁጲያ ናጌቴ። ዩሱሲ ኪሪሰቶሲ ቆንጨያ ዋዴ ኣቶ ኬካቴላ ሂንቴ ኣኪያ ዲራው፣ ኩሜንላ ሂደታን ናጌቴ። 14 ያሳው ኣዛዜቴያ ናናዳን፤ ሂንቴ ካሴ ኤራናን ኣዋቴዳ ኣሙዋ ካሎፒቴ። 15-16 ሺን ሂንቴና ያሳይ ጌሻ ጊዴዳዋዳን፣ ሂንቴካ ሂንቴ ኦሱዋ ኡባን ጌሻ ጊዲቴ። ያሳ ማፃፋን፣ «ታኒ ጌሻ ጊዲያ ዲራው፣ ሂንቴካ ጌሻ ጊዲቴ» ጌቴቴዳ ፃፊቴዳ።

17 ኣሳ ሁጲያን ሁጲያን ዴሙዋ ያሌናን ኣ ኦሱዋዳን ፐርዲያ ያሳ ዋሲዴ ሂንቴ፣ «ኦ ኣቦ» ጊዴ ኣ ያሲያዋ ጊደፔ፣ ሃ ኣላሚያን ቤቴ ጊዲዴ ሂንቴ ዴዲያ ዋዲያን ያሻቴላን ዴዲቴ። 18-19 ሂንቴ ሂንቴ ኣዋቱዋፔ ላቴዳ ፓሌና ዴዑዋፔ ዋዜቴዳዌ፣ ጳዪያ ቢራ ዋይ ዋርቃ ማላና ጊዴናዋ ኤሪታ፤ ቦሪሲያባይ ዋይ ቂታይ ባዪና ደርሳ ሱላዳን፣ ኣልዖ ኪሪሰቶሳ ሱላን ሂንቴ ዋዜቴዲታ። 20 ያሳይ ሳባይ ሜዴታናፔ ካሴ ኪሪሰቶሳ ዶሪ ዋሌዳ፤ ሺን ሂንቴ ዲራው፣ ሃ ዋዲያ ዉርሴላን ኢ ቤቴዳ። 21 ሂንቴ ኣማኑኔ ሂንቴ ኣካና

1:15-16 ዋግ 11:44-45፤ 19:2

ጊዴ ናሼቻን ናጊ ኡቴዳባይ ያሳን ዴዳና ማላ፡ ያሳይ ሃዪቁጥፔ ኣ ዴንሲዴ፡ ኣው ቦንቹዋ ኢሜዳዋ ኣኒ ኣማኒታ።

22 ቱማቴላው ሂንቴ ኣዛዘቴያዋን፡ ሎዓ ማላቴያ ኢታቴላይ ባዪናን ሂንቴ ኢሻቱዋ ሲቃናው ሂንቴ ሁጲያ ጌሺዴ፡ ኢቱ ኢቱዋና ማኒሲዴ ዋዛናፔ ሲቁቴቴ።

23 ሂንቴ ሃዪቂያ ዜሬላፔ ላዔንሉዋ ዩሌቴቤይኪታ፤ ሺን ማዲናው ዴዒያዋን ሲንላውካ ዴዳና ያሳ ቃላን ሃይቁና ዜሬላፔ ዩሌቴዲታ። 24 ኣዪሲ ጎፔ፡ ያሳ ማፃፋይ፡ «ኣሳይ ኡባይ ማታ ማላ፤ ኣ ቦንቹ ኡባዪካ ማታ ጨሻ ማላ። ማታይ ማሌ፤ ጨሻዪካ ቆቆፊቴ። 25 ሺን ጎዳ ቃላይ ማዲናው ዴዔ» ያጌ። ሃዌ ሂንቴንቶ ጎዳይ ኦዴዳ ማሺራቹዋ ቃላ።

2

ዴዑዋ ሹቻኔ ጌሻ ኣሳ

1 ሄዋ ዲራው፡ ሂንቴፔ ኢታቴላ ኡባ፡ ጨሚያዋ ኡባ፡ ሎዓ ማላቴያ ኢታቴላ፡ ቃናቴያኔ ዘጊርሳ ኡባ ዲጊቴ። 2-3 ጎዳይ ከካ ጊዴዳዋ ሂንቴ ዴዑዋን ቤዔዳዋ ጊዶፔ፡ ሃዒ ዩሌቴዳ ጋጨና ናናቴዋዳን፡ ኡሺዴ ዲጫናውኔ ኣታናው ዒሎ ጊዴዳ ኣያና ማላ ላሞቴቴ።

4 ጎዳኮ ዴዎ ሹቻኮ ሸቁቴ። ኣሳይ ኣ ኢጼዳ፤ ሺን ያሳ ማታን ኢ ዶሬቴዳ ኣልዎ። 5 ሂንቴካ ቃሲ ዴዎ ሹቻዳን፡ ጌሻ ቁሳ ጊዲዴ፡ ዩሱሲ ከሪሰቶሳ ባጋና ያሳ ናሹቹያ ኣያና ያርሹዋ ያሳው ያርሻናው፡ ሂንቴ ሂንቴ ሁጲው ኣያና ከላዳን ከጸቴቴ። 6 ኣዪሲ ጎፔ፡ ያሳ ማፃፋይ፡ «ቤዒቴ፡ ታኒ ዒዮኔ ጊያ ካታማን ጎሊያ ጎዳ ዓጹዋ ማኒሲያ፡ ዶሬቴዳ፡ ኣልዎ ሹቻ ዋሳይ፤ ኣኒ ኣማኒያ ኦኒኔ ዩላቴና» ያጌ። 7 ሄዋ ዲራው፡ ሃ ሹቻይ ሂንቴንቶ ኣማኒያዋንቶ ዳሮ ኣልዓ፤ ሺን ኣማኒናዋንቶ፡ «ገሞቢያዋንቴ ካዲዳ ሹቻይ ጎዳ ዓጹዋ ማኒሲያ፡ ኡባፔ ኣዲያ ሹቻ ጊዴዳ» ያጌ። 8 ቃሲካ፡ «ሃ ሹቻይ ኣሳ ዱቢያ ሹቻኔ ኣሳ ኩንዲሲያ ዛላ» ያጌ፤ ኡንቴንቴ ያሳ ቃሳ ኣማኒና ዲራው፡ ኡንቴንቶ ካሴና ቆፊቴዳዋዳን ዱቤቴዲኖ።

9 ሺን ያሳይ ዲማፔ ማላሊሲያ ባሬ ፖዎ ሂንቴና ጸሴዳ፤ ሂንቴ ኣ ኦራላ ኦሱዋ ኦዳናው ዶሬቴዳ ዛሬ፤ ሂንቴ ካቲያ ቁሳቱዋ፤

1:24 ኢሳ 40:6-8 2:2-3 ማዝ 34:8 2:6 ኢሳ 28:16 2:8 ኢሳ 8:14-15

ገሻ አሳኔ ያሳሲ ቡዞ አሳ። 10 ሂንቴ ካሴ ያሳ አሳ ገዲኪታ፤ ሺን ሃሲ ሂንቴ አ አሳ፤ ሂንቴ ካሴ ማሮቴላ አኪቤይኪታ፤ ሺን ሃሲ ማሮቴላ አኪዲታ።

ያሳ አይላቱዋ

11 ታ ዳባቶ፣ ሂንቴ ሃ ሳዓን ኢማላኔ ቤቴ ገዲዴ ዴዲያዋንታ ገዴዳዋዳን፣ ኡባ ዋዴ ሂንቴ ሸምጥዋና ኦሌቲያ አሳቴላ አውዋፔ ሂንቴ ሃካና ማላ፣ ታኒ ሂንቴና ዋሳይ። 12 አሜኔና አሳይ ሂንቴና ኢታባ አሊያዋንቴዳን ዚጊሪያ ዋዴ፣ ኪሪሰቶሲ ዪያ ጋላሲ ሂንቴ ሎፖ ኦሱዋ ኡንቴንቴ አኪኪዴ፣ ያሳ ጋላታና ማላ፣ ሂንቴ ዴዑዋ ኡንቴንቴ ገደን ሎይሊ ናገቴ።

13 ጎዳ ዲራው፣ አሳ ሂጊያ ኡባው ሞዴቲቴ፤ ካቲካ ኡባፔ ቦላ ገዲያ ዲራው፣ አው ሞዴቲቴ። 14 ቃሲ ጋዲያ ሞዲያዋንቶካ ሞዴቲቴ። አዪሲ ጎፔ፣ ኡንቴንቴ ኢታባ አሊያዋንታ ሙራናውኔ ሎፖ አሊያዋንታ ጋላታናው ካቲያፔ ኪቴቴዲኖ። 15 አዪሲ ጎፔ፣ ያሳይ ሂንቴ ሂንቴ ሎፖ ኦሱዋን ካዲያ ኤያ አሳቱዋ ሃሳያ ጮዑ ኡዳናዋ ሶዬ። 16 አይሌቴላፔ ኬሲዴ፣ ያሳ አዪሊያዳን ዴዲቴፔ አቲን፣ ሄ አዪሌቴላፔ ኬሴዳዋ ኢታቴላ ገንሊያዋ አላፒቴ። 17 አሳ ኡባ ቦንቺቴ። ሂንቴ አሻቱዋ ሲቁቴ። ያሳው ያዪቴ። ካቲያ ቦንቺቴ።

ኪሪሰቶሳ ጋኬዳ ሜቱዋ ለሚሱዋ

18 አይላቶ፣ ሂንቴ ሎፖ ጎዳቱዋ ያላላውኔ አሺኬ ጎዳቱዋ ያላላው ገዴናን፣ ኢታቶካ ዳሮ ያዪዴ ሞዴቲቴ። 19 አዪሲ ጎፔ፣ አሳይ ናቋያ ዋዴ ዋዬቲያ ኡራይ ያሳ ቆፒዴ፣ ኦኔ ባይናን ናቋቶፔ ያሳይ አ አንጃና። 20 አዪሲ ጎፔ፣ ሂንቴ ናጋራ አሊና፣ ሂንቴና ዴቺያ ዋዴ፣ ሂንቴ ዳንዳዮፔ፣ ሂንቴንቶ አይ ጋላታይ ዴዒ? ሺን ሎፖ አሊዴ ዋዪያ ሂንቴ ዳንዳዮፔ፣ ያሳይ ሂንቴና ሄዋ አንጃና። 21 ያሳይ ሂንቴና ያሴዳዌ ሄዋ ዲራሳ፤ አዪሲ ጎፔ፣ ኪሪሰቶሲ ሂንቴንቶ ዋዬቴ፤ ሂንቴ አ ቃታማ ካላና ማላ፣ ሂንቴንቶ ለሚሱዋ ገዴዳ። 22 ናጋራ ኢ አሊቤና፤ ባራ ዶናፔ ዋርዲዋ ሃሳዪቤና። 23 አሳይ ባራና ቦሪያ ዋዴ፣ ዛሪዴ ቦሪቤና፤ ዋዬቲያ ዋዳካ ማንዲቤና። ሺን ዪሉዋ ፒርዲያ ያሳው ባራና አሊዴ አሜዳ። 24 ኑኒ ናጋራው ሃዪቂዴ፣ ዪሎቴላው ዴዳና ማላ፣ ኪሪሰቶሲ ባራ ሁጳው ባራ አሹዋን ኑ ናጋራ ማስቃሊያን ቶኬዳ፤ ሂንቴ አ

2:9 ኬሰ 19:5-6፤ አሳ 43:20፣ 21፤ ዛር 4:20፤ 7:6፤ 14:2፤ ቲት 2:14፤ አሳ 9:2 2:10 ሆስ 2:23 2:22 አሳ 53:9 2:23 አሳ 53:7

ማይላን ፓዌዲታ። 25 አዪሲ ጎፔ፣ ሂንቴ ኦጊ ባሌዳ ደርሳ ማላ፤ ሺን ሃዒ ሂንቴ ሼምፑዋ ሄሚያዋኮኔ ናጊያዋኮ ሲሜዲታ።

3

አሲናዋኔ ማቺያዋ

1-2 ሄዋዳንካ ማቺቶ፣ ሂንቴ አሲናቱዋፔ ያሳ ቃላው አዛዜቴና ኢቱ ኢቱ ደዎፔካ፣ ሂንቴ ፓሉሜቴናን፣ ኡንቱንቱ ሂንቴ ያሻቴላኔ ሂንቴ ጌሻ ደዑዋ ቤዒዳ ያኔታና ማላ፣ ኡንቱንቶ ሞዴቲቴ። 3 ሂንቴ ሂንቴ ሁጲያ አልዎ ባን ጊሊሲያዋኒኔ ዋርቃ ዋሴያዋን ዋይ አልዎ ማዩዋ ማዪያዋን ሂንቴንቱ ቦላ ባጋ ሎይሶፕቴ። 4 ሺን ሂንቴ ጋርሳን ቆሴቴዳ አሳቴላ ሎፖቴላይ ያሳ ሲንላን ሂንቴንቶ ዳር አልዎ ጊዲዳ፣ ቶዬና አሺኬኔ ዋፑ ጌዳ አያና ጊዳ። 5 አዪሲ ጎፔ፣ ሄዋዳን ያሳን ሂዶቴዳ ጌሻ ማጫ አሳቱ ቤኒ ዋዴ ባሬንቱ አሲናው ሞዴቲዳ፣ ባሬንታ ዳር ሎይሴዲኖ። 6 ሄዋዳን ሳራ አብራሃማ፣ «ታ ጎዳው» ያጋ ያሳዳ፣ አው አዛዜታዲ፤ ሂንቴካ ኢቲባዉኔ ያዬናን ሎፖባ ኦሶፔ፣ ኢ ናናቱዋ።

7 ሄዋዳን አሲናቶ፣ ሂንቴ ማጫ አሳቱዋና አከካን ኢቲፔ ደዒቲ። ኡንቱንቶ ዳቡራንቻ አሳቴላይ ደዒያ ዲራው፣ ኡንቱንታ ቦንቺቴ፤ ሂንቴ ዋሳይ ቆቤቴና ማላ፣ ያሳይ ኢሜዳ ደዑዋ አቆ ከካቴላ ኡንቱንቱ ሂንቴናና ኢቲፔ ላቲና።

ሎፖባ ኦሶዳ ሜቱዋ አኪያዋ

8 ወርሴላን፣ ኡባይ ኢቲ ቆፋን ደዒቲ። ኢቱ ኢቶ ቃሬቲቴ፤ አሻቱዋዳን ሲቄቲቴ፤ ቃሲ ኢቱ ኢቶ ከኪያዋንታኔ ሂንቴ ሁጲያ ካዉሺያዋንታ ጊዲቲ። 9 ኢታ ዲራው ኢታ ዋይ ሼቃ ዲራው ሼቃ ዛርፕቴ፤ ሄዋ አጊዳ፣ ያሳይ ሂንቴንቱ አንጂዋ ላታናዳን ሂንቴና ያሴዳ ዲራው፣ አንጂቴ። 10 አዪሲ ጎፔ፣ ያሳ ማፃፋይ ሄዋዳን ያጌ፤ «ደዑዋ ደሲያዌኔ ሎፖ ጋላሳ ቤዓናው ኮዪያዌ ኦና ጊዶፔኔ ባሬ ኢንፃርሳን ኢታባ ሃሳዪያዋኔ ዋርዲዋ ኦዲያዋ አጎ።

11 «ኢታባ ኦሶያዋ አጊዳ፣ ሎፖባ ኦሶ፤ ሳርቴላካ ሎይሴ ኮዮኔ ካላናው ባዱቶ።

12 «አዪሲ ጎፔ፣ ጎዳ አይፊ ዪሎቱዋኮ ያሌ፤ ቃሲ አ ሃይላይ ኡባ ዋዴ ኡንቱንቱ ዋሳው ደያ ደዒ። ሺን ጎዳይ ኢታባ ኦሶያዋንታ ባሬ ሃንቁዋ ሶምዒያን ያሌ» ያጌ።

13 ሂንቴ ሎዖባ አላናው አሞቶ፤ ሂንቴና ቆሃናዌ ኦኔ? 14 ሺን ሃራይ አቶ፣ ደሎቴላ ዲራው ሂንቴ ዋዬቶ፤ ኣንጃቴዳዋንታ። አሳው ያዮ፤ ሂንቴ ሃርገ፤ 15 ሺን ከሪሰቶሳ ሂንቴ ዋዛናን ቦንቸቴኔ አ ሂንቴ ጎዳ ኦሊ፤። ያሳይ ሂንቴንቶ ሂደቴዳ ደዑዋሲ ጋሱዋ ኦቸያ ኦሲኔ ዛሩዋ አማናው ኡባ ዋደ ገገ ኡቴ፤ 16 ሺን ሄዋ አሺከቴላኒኔ ያሻቴላን ኦሊ፤። ቃሲ ከሪሰቶሳን ሂንቴ ደዒያ ሎዖ ደዑዋ ኢታባ ኦሊዳዋዳን፣ ሂንቴ ቦላን ኢታባ ሃሳዪያ አሳይ ባሬ ዘገሪያዋን ዬላታና ማላ፣ ሂንቴ ዋዛናይ ጌሻ ገደ። 17 አዪሲ ጎ፤። ያሳይ ጌዳዋ ገደ፤። ኢታባ ኦሊዳ ዲራው ዋዬቴያዋ፤ ሎዖባ ኦሊዳ ዲራው ዋዬቴያዋ ከካ። 18 አዪሲ ጎ፤። ከሪሰቶሳ ኑና ያሳኮ አፋናው፣ ባሬው ደሎ ገዲዳ፣ ማካላንቻቴዋ ዲራው፣ ኢቴ ጌዳ ኡባ ናጋራው ሃዪቁዳ፤ ኢ ባሬ አሳቴላን ሃዪቁዳ፤ ሺን አያናን ፓዳ። 19 ቃሲ ሄ አያናን፣ ቃሹዋን ደዒያ አያናቴዋኮ ቢዳ፣ ኡንቸንቶ ቃላ ኦዳ። 20 ሄ አያናቴ አማሬዳ፣ ሆሰ፤ አሳቴ ሃላን አቴዳ ማርካቢያ ሮሄ ከደሺን፣ ያሳይ ዳንዳዪዳ ጋማዒዳ ዋዳ፣ ያሳው አዛዜቴቤና አሳ አያናቴዋ። 21 ሄዋ ደንቃታው ለማሰብ ገዲዳ፣ ሂንቴና ሃዒ አሸ፤ ሱሬ ዋዛና፤ ያሳ ዋሲያዋ፤ አቴን፣ ቦላ ቂታ ማጨያዋ ገደና፤ ሄዋ ሂንቴና ዬሱሲ ከሪሰቶሳ ሃዪቁዋ፤ ደንዳዳዋን አሸ። 22 ሳሉዋ ቢዳ ያሳቴ ኡሽቻ ባጋን ኢ ኡቴዳ፣ ከታንቻ ኡባ፣ ማታና ደዒያዋንታኔ ዋልቃማቴዋ ዋዳ።

4

ጌሻቴላን ደዓና ደዑዋባ

1 ሄዋ ዲራው፣ ከሪሰቶሳ ባሬ አሹዋን ኦሲ ዋዬቴዳ ዲራው፣ ሂንቴካ ሄ ቆፋን ዳንጨቴ፤። አዪሲ ጎ፤። ባሬ አሹዋን ዋዬቴዳ ኡራይ ናጋራ ኦሊያዋ አጌዳ። 2 ሃዋ፤ ሲንላን፣ ሃ ሳዓን ሽምቸዋና ደዓናው አቴዳ ዋዲያን፣ ያሳይ ኮዪያዋዳን ደዓናው ቤሲያዋ፤ አቴን፣ አሳ አሙዋዳን ደዓናው ቤሲና። 3 አዪሲ ጎ፤። አማኔና አሳይ ኦላናው ደሲያዋ ሂንቴ ኦሊዳ፣ ዋሹማናው ካጄሊያዋን፣ አሙዋን፣ ማሉዋን፣ ዬላን፣ ኡሻን፣ ፖኪያ ኤቃው ጎዪኒያዋን፣ ደዒዳ ካሴ አጄዳ ዋዲ ሂንቴንቶ ገዳናዋ። 4 አማኔና አሳና ሂንቴ ሾራይ ባዪና ኡሱዋ አቴ፤ ኦሊዳ ዲራው ማላሊቴዳ፣ ሂንቴና ቦሪና። 5 ሺን ኡንቸንቸ ፓዳ ደዒያ አሳ ቦላኔ ሃይቁዳ አሳ ቦላ ፐርዳናው ገገ ኡቴዳ ያሳው ዛሩዋ አማና። 6 ሃይቁዳ አሳይ * ባሬ

3:14 ማኮ 5:10፤ አሳ 8:12-13 3:20 ደም 6:1-7:24 * 4:6 ሃይቁዳ አሳይ፣ ዬሱሳ አማናና፤ ካሴና ሃይቁዳዋንታ ዋይ ሮሄ ዋዳ አሳቴዋ። 3:19 ያሊቴ።

አሳቴላን አሳይ ፐርዴቲያዎዳን ፐርዴታናውኔ ቃሲ አያናን ያሳይ ዴዴያዎዳን ዴዳናው፣ ዎንጋላ ሚሺራቹ ኡንቱንቶ ሄዎ ኦዴቲዳ።

ያሳይ አሜዳ አሞታቱዎ ሎይሴ አዪሲያዎ

7 ኡባባዉካ ዉርሴላይ ማታቲዳ። ሄዎ ዲራው፣ ያሳ ዎሳናው ቆፋን ጌዪዳ፣ ሂንቴና ናጊቴኔ ሚኒቴ። 8 ሲቁ ዳር ናጋራ ካሚያ ዲራው፣ ኡባባፔ አሴዳ አቲ አቲዎና ዎዛናፔ ሲቁቴቴ። 9 ዙዙሚናን አቲ አቲዎ አሚላቴላን ሞኪቴ። 10 ሂንቴ ሁጲያን ሁጲያን ያሳፔ ዲማ ዲማ አጶ ኪካቴላ አኬዳዎዳንካ፣ ያሳ ዲማ አሙዎ ሃዳራ ሎይሴ ኬሲያዎንቲዳን፣ አቲ አቶ ኦሴቴ። 11 ዬሱሲ ኪሪሰቶሳ ባጋና ኡባባኒ ያሳይ ጋላቲታና ማላ፣ ኦኒኔ ኦዲያዎ ጊደፔ፣ ቃላ ያሳፔ አኪዳ ኦዲያዎዳን ኦድ። ቃሲ ኦኒኔ ማዲያዎ ጊደፔ፣ ያሳይ አው አሚያ ዎልቃን ማዶ። ቦንቹኔ ጎዳቴላይ ያሳሲ ሜጲናፔ ሜጲናው ጊደ። አሚንዲ።

ሜቱዎ ዎዴ ሚኒያዎ

12 ታ ሲቃቶ፣ ሂንቴ ጊደን ታማዳን ጉዲዳ ፓጩያ ዎዪ ዪያዎ ኦራላባይ ሃኒያዎዳን ማላሌቶፔቴ። 13 ሺን ኪሪሰቶሳ ቦንቹ ቤቲያ ዎዴ ሂንቴ ናሽታና ማላ፣ አናና ዎዬቲያዎን ናሽቲቴ። 14 አሳይ ሂንቴና ኪሪሰቶሳ ሱንላ ዲራው ቦሪያዎ ጊደፔ፣ ሂንቴ አንጃቴዳዎንታ፤ አዪሲ ጎፔ፣ ቦንቹ አያናይ፣ ያሳ አያናይ፣ ሂንቴ ቦላ ሸምፓና። 15 ሂንቴፔ ኦኒኔ ሸምፔዎ ዎዴዳዎዳን፣ ዎይ ካዪሱዎዳን፣ ዎይ አታባ ኦሴዳ አሳዳን፣ ዎይ ሃራ አሳ ዬዉዎ ጌሌዳዎዳን ዎዬቶፖ። 16 ሺን ኦኒኔ ኪሪሰታኒያ ጊዲያ ዲራው ዎዬቶፔ፣ ኪሪሰቶሳ ሱንላ ዲራው፣ ያሳ ጋላታናፔ አቲን፣ ዬላቶፖ። 17 አዪሲ ጎፔ፣ ፐርዳይ ያሳ ጎሊያን ደሜቲያ ዎዲ ጋኬዳ። ቃሲ ሄ ፐርዳይ ኮዪር ኑ ቦላ ደሜቲያዎ ጊደፔ፣ አ ዎንጋላው አዛዜቴናዎንቲ ዉርሴላይ አያ ጊደኔ? 18 ዲሎ አሳይ ቱጋን አቲያዎ ጊደፔ፣ ማካላንቻይኔ ናጋራንቻይ ያቲና ዎናኔ? 19 ሄዎ ዲራው ቃሲ፣ ያሳይ ጌዳዎዳን ዎዬቲያዎንቲ ሎዎባ ኦሴዳ፣ ባሪንቲ ሸምፔዎ ሃዳራ ባሪና ሜዴዳ አማኔቲያ ያሳው አሚና።

5

ያሳ አሳ አዪሳናው አሜቲዳ ዞሪያ

1 ሲሚ ታኒ ዎሳ ጎሊያ ጨማቱዎና ጨማ ጊዲያዌ፣ ኪሪሰቶሳ ዎዪያ ማርካቲያዌ፣ ቃሲ ቆንጫና ቦንቹዎ ሻካናዌ ሂንቴ ጊደን

4:8 ሊም 10:12 4:18 ሊም 11:31

ዴዲያ ጨማቱዋ ዘራይ። 2 ሂንቴ ጊደን ዴዲያ ያሳ ዉዲያ ያሳይ ከዴያዋዳን ሃሚቴ። ደሱዋናፕ ኣቲን፣ ዋልቃን ጊዴና። ቃሲ ሂንቴ ጎሳ ያላላ ያሌናን፣ ሎዎ ቆፋን ሃሚቴ። 3 ዉዴው ሂንቴ ለሚሱዋ ጊዲቴፕ ኣቲን፣ ሂንቴ ሃሚያዋንታ ዋልቃን ሃሞፒቴ። 4 ቃሲ ሃሚያዋንቱ ካፑ ቆንጨያ ዋዴ፣ ባዬና ቦንቾ ኣኪሊሊያ ሂንቴ ኣካና።

5 ሃዋዳንካ ያላጋ ኣሳቶ፣ ጨማቶ ሞዴቴቴ። ኡባይካ ኢቱ ኢቶ ኦላናው ሂንቴ ሁጲያ ካዉሺያዋ ኣፊላዳን ማዩቴ። ኣዩሲ ጎፕ፣ ያሳይ ኦቶሬቲያዋንታ ኢጻ፤ ሺን ባሬና ካዉሺያዋንቶ ኣጶ ከካቴላ ኢሜ። 6 ያሳይ ባሬ ሎዎ ዋዲያን ሂንቴና ጶቁ ኦላና ማላ፣ ዋልቃዎ ያሳ ኩሺያፕ ጋርሳና ሂንቴና ቶቺቴ። 7 ኢ ሂንቴንቶ ቆፒያ ዲራው፣ ሂንቴና ሂርጊሲያ ኡባባ ኣ ቦላ ኦሊቴ።

8 ያላሂያ ካፑ፣ ሂንቴ ሞርኪ፣ ሚቲያ ኡራ ኮዩዴ፣ ጉዲያ ጋሙዋዳን ሂንቴ ዩሹዋን ዩዩያ ዲራው ናጌቴቴኔ ቤጎቴቴ። 9 ሳባን ዴዲያ ሂንቴ ኢሻቱ ሃዋዳን ዋዩቲያዋ ኤሪዴ፣ ኣማኑዋን ሚኒዴ፣ ኣናና ኤቁቴቴ። 10 ኣጶ ከካቴላ ኡባ ያሳይ፣ ባሬ ሜጲና ቦንቾ ኪሪሰቶሲ ዩሱሳ ባጋና ሂንቴና ያሴዳዌ፣ ኣማሬዳ ዋዲያ ሂንቴ ዋዩቴዳዋፕ ጉዩያን፣ ኢ ባሬ ሁጲው ሂንቴና ሺሪ ኦራላናኔ ሚኒሳና። ቃሲ ኢ ሂንቴና ማዳናኔ ባሲ ኤሳና። 11 ዋልቃይ ሜጲናፕ ሜጲና ጋካናው ኣው ጊዶ። ኣሜንዒ።

ዉርሴላ ሳርታ

12 ሃዋ ያሳ ቱሙ ኣጶ ከካቴላ ጊዲያዋ ታኒ ሂንቴንቶ ማርካታዴኔ ሂንቴና ዘራዴ፣ ሂንቴንቶ ቃንላን ያፌዳ ዳቢዳቢያ ኣማኔቲያ ኢሻ ጋዴ ታኒ ቆፒያ ሲላሴ ቦላ ኪታዲ፤ ሄ ኣጶ ከካቴላን ሚኔዲታ።

13 ሂንቴናና ኢቲፕ ዶሬቴዳ ባቢሎንን * ዴዲያ ዋሳ ጎሊያ ኣሳይኔ ታ ናባይ ማርቆሲ ሂንቴና «ሳር ሳር» ጊኖ። 14 ሲቁዋ ዩሬታ ዩሬቲዴ፣ ኢቱ ኢቱዋ ሳርቴቴ።

ሂንቴው፣ ኪሪሰቶሳና ኢቱዋ ጊዴዳዋንቶ ኡባቱዋሲ ሳርቴላይ ጊዶ። ኣሜንዒ።

5:5 ለም 3:34 * 5:13 ባቢሎኔ፣ ሳፃ ማፃፋ ቆፋዳን፣ ሃ ሱንላይ ሮሜ ጉሳ ጊዴናን ኣጌና።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source
files dated 29 Jan 2022
585b63ca-b8e6-55c8-bfef-10bdc95ad69c